



Ref.: ae/md  
Expediente 755/18  
Asunto: Orde de nuevo procedimiento de integración voluntaria

**INFORME DE LEGALIDADE SOBRE O PROXECTO DE ORDE POLO QUE SE CONVOCA UN NOVO PROCEDIMENTO PARA A INTEGRACIÓN VOLUNTARIA NO RÉXIME ESTATUTARIO DE DETERMINADO PERSOAL LABORAL FIJO DE ENTIDADES PÚBLICAS ADSCRITAS A ESTA CONSELLERÍA**

Esta Secretaría Xeral Técnica de conformidade co artigo 43.2 da Lei 16/2010, do 17 de decembro, de organización e funcionamento da Administración xeral e o sector público autonómico de Galicia, en relación co proxecto de Orde polo que se convoca un novo procedimento para a integración voluntaria no réxime estatutario de determinado persoal laboral fixo de entidades públicas adscritas a esta Consellería de Sanidade, emite o seguinte:

**INFORME**

**1. Marco normativo e competencial**

O Decreto 91/2007, do 26 de abril, de integración no réxime estatutario do persoal laboral do sector sanitario público xestionado por entidades adscritas á Consellería de Sanidade, estableceu as bases que regulan os procesos de integración no réxime estatutario do persoal laboral desas entidades, coa finalidade de homoxeneizar as condicións de traballo e retributivas de todos os empregados no ámbito da sanidade galega e mellorar a eficacia e a eficiencia na xestión do Sistema Sanitario Público. Así, na Disposición Adicional Décimo Primeira autoriza á Consellería a realizar ata un máximo de tres ofertas de integración.

A Consellería, mediante diversas ordes do ano 2007 traxitou unha primeira oferta de integración. Por outra banda, a Orde do 9 de outubro de 2014 convocou un segundo procedemento de integración no que participaron voluntariamente as persoas interesadas, optando as demais por manter o seu vínculo laboral orixinario.

Así mesmo, á Lei 8/2008, do 10 de xullo, de saúde de Galicia, recolle no seu artigo 112 o mandato de promover a integración directa e voluntaria, do persoal con outros vínculos, na condición de persoal estatutario.

Na actualidade, o punto 15 (outras cláusulas) do Acordo polo que se establecen as bases da carreira profesional no ámbito do Servizo Galego de Saúde e as entidades adscritas á Consellería de Sanidade e ao dito organismo, asinado o 6 de xullo de 2018 na mesa sectorial de negociación do persoal estatutario, aprobado polo Consello da Xunta na súa reunión do 19 de xullo de 2018 e publicado no Diario Oficial de Galicia, número 144, do 30 de xullo, dispón que por ordes da Consellería de Sanidade realizáranse, no segundo semestre de 2018, novas ofertas de integración no réxime estatutario dirixidas, entre outros colectivos, ao persoal laboral fixo incluído no ámbito de aplicación do referido Decreto 91/2007, de 26 de abril.



Ao conselleiro de sanidade correspóndelle o exercicio da potestade regulamentaria nas materias da súa consellería tal e como recolle o artigo 34.6 da Lei 1/1983, de 22 de febreiro, de normas reguladoras da Xunta e da súa presidencia.

De conformidade co artigo 7.1 do Decreto 41/2013, do 21 de febreiro, polo que se establece a estrutura orgánica da Consellería de Sanidade, corresponde a Subdirección Xeral de Réxime Xurídico e Administrativo da Secretaría Xeral Técnica, a través do Servizo Técnico Xurídico, a tramitación dos proxectos de disposicións de carácter xeral.

No procedemento de elaboración deste proxecto de orde seguiuse o establecido no Regulamento de Réxime Interior da Xunta de Galicia, no Decreto 111/1984, do 25 de maio, e no Título II da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia (LOFAXGA) e no disposto na Lei 14/2013, do 26 de decembro, de racionalización do sector público autonómico.

## 2. Necesidade e oportunidade.

Tendo en conta o exposto, con esta convocatoria dun novo procedemento de integración voluntaria no réxime estatutario de determinado persoal laboral fixo de entidades públicas adscritas a esta Consellería procédese a apertura dun prazo de opción de integración no réxime estatutario, en idénticas condicións que as xa celebradas, do persoal laboral fixo que estando incluído no ámbito de aplicación das seguintes ordes, non resultou integrado no réxime estatutario:

- Orde de 14 de agosto de 2007 pola que se regula o procedemento de integración do persoal da Función Pública Hospital de Verín.
- Orde de 20 de setembro de 2007 pola que se regula o procedemento de integración do persoal da Fundación Pública Escola Galega de Administración Sanitaria. Tras o Decreto 112/2015, de 31 de xullo, as referencias a dita entidade enténdense realizadas á Axencia Galega para a Xestión do Coñecemento en Saúde (ACIS).
- Orde de 20 de setembro de 2007 pola que se regula o procedemento de integración do persoal da Fundación Pública Centro de Transfusión de Galicia. Tras o Decreto 142/2015, do 17 de setembro, as referencias a dita entidade enténdense realizadas á Axencia Galega de Sangre, Órganos e Tecidos (ADOS).
- Orde 20 de setembro de 2007 pola que se regula o procedemento de integración do persoal do Instituto de Medicina Técnica. Tras o Decreto 209/2008, de 28 de agosto, as referencias a dita entidade enténdense realizadas a Galaria, Empresa Pública de Servizos Sanitarios, S.A.
- Orde de 8 de novembro de 2007 pola que se regula o procedemento de integración do persoal da Fundación Pública de Urxencias Sanitarias de Galicia. - 061 -
- Os aspirantes que superen o proceso selectivo do persoal laboral fixo convocado pola Resolución de 20 de xaneiro de 2015, da dirección técnica da Fundación Pública Centro de Transfusión de Galicia poderán optar pola súa integración no réxime estatutario, conforme ao que establece esta orde, no prazo da toma de posesión.

A integración terá carácter voluntario. O réxime xurídico e retributivo do persoal que resulte integrado será o propio do persoal estatutario do Servizo Galego de Saúde e a integración realizárase nas categorías básicas do réxime estatutario que corresponda,



segundo as características do posto laboral orixinario, sen prexuízo de que, no caso de desempeñar ou ter vínculos en postos de traballo que supoñan exercicio de funcións de dirección, xefatura, coordinación ou singular responsabilidade, se expida un nomeamento estatutario de carácter provisional, que quedará suxeito ao disposto no Decreto 206/2005 de provisión de prazas de persoal estatutario do Servizo Galego de Saúde e normas concordantes. En todo caso, tense en conta o nivel de titulación esixido para cada grupo de clasificación pola normativa estatutaria, e o da categoría á que accedeu en virtude do proceso selectivo polo que adquirise a condición de persoal fixo da institución.

Así mesmo, o persoal unha vez integrado poderá acceder ao grao I nas condicións e cos mesmos efectos previstos no réxime transitorio e excepcional de encadramento.

Polo contrario, o persoal que non exerza o seu dereito a optar pola integración, manterán o seu réxime xurídico e económico actual e seguirán dependendo orgánica e funcionalmente do Servizo Galego de Saúde, suxeitos ao réxime de funcionamento e xestión que determine a dirección do centro onde estean adscritos.

### 3. Tramitación

Polo que respecta á instrución na elaboración do proxecto, esta acomodouse ao procedemento legal e ás prescripcións contidas nos artigos 40 a 44 da Lei 16/2010, de 17 de decembro, de organización e funcionamento da Administración xeral e o sector público autonómico de Galicia.

Así, o centro directivo impulsor remitiu á Subdirección Xeral de Réxime Xurídico e Administrativo o borrador da disposición acompañado dos seguintes documentos:

- unha memoria xustificativa sobre a súa legalidade, acerto e oportunidade (artigo 41.2, a da Lei 16/2010, do 17 de decembro).
- unha memoria económica-financeira (artigo 41.2, b da Lei 16/2010, do 17 de decembro).
- unha táboa de vixencias.
- un certificado da celebración da mesa sectorial do 20 de xullo de 2018 onde se presentou a Orde pola que se convoca un novo procedemento para a integración voluntaria no réxime estatutario de determinado persoal fixo de entidades públicas adscritas á Consellería de Sanidade e abriuse un prazo de alegacións, ata o 14 de setembro sobre o seu contido. Certificouse que os textos foron obxecto de tratamento cos delegados de persoal e os comités de empresa, naquelas entidades instrumentais e xerencias do Servizo Galego de Saúde nas que perviven os devanditos órganos de representación. O 16 de novembro de 2018 celebrouse unha nova reunión da Mesa Sectorial na que a Administración deu resposta ás alegacións presentadas polas organizacións sindicais e expuxo e motivou as modificacións introducidas, debatérónse e deuse por finalizada a negociación

Consta no expediente o acordo de inicio do procedemento de elaboración do proxecto de orde asinado pola persoa titular da Consellería de Sanidade, (artigo 41.1 da Lei 16/2010, do 17 de decembro).

Unha vez recibida a documentación e logo do seu estudo, o Servizo Técnico-Xurídico da Subdirección Xeral de Réxime Xurídico e Administrativo elaborou o preceptivo



informe e obtivo a aprobación inicial do anteproxecto como proxecto por parte da persoa titular da Consellería de Sanidade (artigos 41.2, c e 41.3 da Lei 16/2010, do 17 de decembro).

Unha vez aprobada inicialmente a disposición como proxecto, o proxecto de orde publicouse na páxina web da Consellería (portal de transparencia e goberno aberto) na relación dos procedementos de elaboración de disposicións administrativas de carácter xeral que estean en curso, indicando o seu obxecto e estado de tramitación.

Non obstante, non se celebrou o trámite de audiencia, conforme ao artigo 42.6 da Lei 16/2010, do 17 de decembro, polo carácter puramente organizativo da norma.

Na tramitación do proxecto e ao amparo do esixido no artigo 42 da LOFAXGA así como na pertinente normativa sectorial de aplicación, solicitáronse, con data 3 de decembro de 2018, informes á Subdirección Xeral de Xestión Técnico-Administrativa e Orzamentaria da Secretaría de Igualdade, á Dirección Xeral de Avaliación e Reforma Administrativa da Vicepresidencia e Consellería de Presidencia, Administracións Públicas e Xustiza e á Dirección Xeral de Planificación e Orzamentos. Así mesmo, o día 4 decembro de 2018, solicitouse informe á Dirección Xeral de Función Pública.

A Dirección Xeral de Avaliación e Reforma Administrativa da Secretaría Xeral de Igualdade, o 13 de decembro de 2018, considera que non debe emitir informe xa que o réxime estatutario está incluído no sistema sanitario, expresamente excluído do ámbito de actuación dese centro directivo. O informe da Dirección Xeral de Planificación e Orzamentos, do 11 de decembro de 2018, é favorable á tramitación, así como o informe do 12 de decembro da Secretaría Xeral de Igualdade.

A Dirección Xeral de Función Pública considera que falta engadir no seu artigo 1º a Orde do 14 de agosto do 2007 pola que se regula o procedemento de integración do persoal da Función Pública do Hospital do Barbanza (DOG 24 de agosto) e a Orde do 9 de outubro de 2014 pola que se convoca un novo procedemento para a integración voluntaria no réxime estatutario de determinado persoal laboral fixo de entidades públicas adscritas a esta Consellería (DOG núm. 199. do 17 de outubro).

En relación a estas consideracións, a unidade proponente considera que non se debe incluir a Orde do 14 de agosto de 2007, pola que se regula o procedemento de integración do persoal da Función Pública do Hospital do Barbanza por non quedar persoal laboral pendente de integración. Non obstante, inclúese entre o articulado do proxecto de orde de integración tramitado a Orde do 9 de outubro de 2014 como letra f do artigo 1.

A Asesoría Xurídica da Consellería de Sanidade, o 21 de decembro de 2018, emite informe favorable por entender que o proxecto cumple os requisitos legais esixidos e goza por tanto de fundamento competencial e normativo para aprobar o proxecto.

## 5. Legalidade

En cumprimento do disposto no artigo 43.4 da Lei 16/2010, de 17 de decembro, de organización e funcionamento da Administración xeral e do sector público autonómico de Galicia, o proxecto someterase á aprobación definitiva da persoa titular da Consellería de Sanidade.



De acordo co indicado considérase que o proxecto de Orde pola que se convoca un novo procedemento para a integración voluntaria no réxime estatutario de determinado persoal laboral fixo de entidades públicas adscritas a esta Consellería reúne as condicións esenciais para a súa aplicación e efectividade polo que se emite a seguinte.

## PROPOSTA

De acordo co indicado, considero que este proxecto de orde reúne as condicións esenciais para a súa aplicación e efectividade polo que emito a seguinte proposta:

INFORMAR FAVORABLEMENTE este proxecto de orde conforme a súa legalidade.

Santiago de Compostela, 26 de decembro de 2018

A subdirectora xeral de Réxime Xurídico e Administrativo



A persoa titular da Secretaría Xeral Técnica, logo de ver a proposta da subdirectora xeral de Réxime Xurídico e Administrativo da Consellería de Sanidade considera que o proxecto de orde sometido a informe se axusta á legalidade vixente, polo que o informa favorablemente (artigo 43.2 da Lei 16/2010, do 17 de decembro).

Santiago de Compostela, 26 de decembro de 2018

